

諭旨

四月初六日至三十日

旨刑部員外郎著鄭興長補授翰林院孔目著姚武林補授直隸正定府同知著張鴻謨補授河南扶溝縣知縣著林仲  
 鏞補授甘肅古浪縣知縣著李元波補授山西臨縣知縣著光熙補授安徽貴池縣知縣著鈕福安補授山東堂邑縣知  
 縣著蕭漢儒補授直隸昌黎縣知縣著馬丙炎補授截取舉人任樹槐著以教職用陳常著以知縣用李瀛桂著以教職  
 用劉濟川施登瀛林宗堅胡德辰俱著以知縣用理藩院筆帖式著文徵補授廕生豫震著以文員用榮瀚著以文職用  
 夏瑞申著外用顧彥聰楊景耀俱著內用截取兵科給事中左紹佐光祿寺署正勞啓祝內閣中書孫書城吏部司務顧  
 禹權俱著照例用保送分發知府戶部員外郎薛尚義著以知府分發省分補用保舉四川補用道卓異知州張鐸著照  
 例用准其於知州任內卓異加一級保舉直隸候補知縣譚堯振奉天候補知縣韓寶濂俱著照例用服滿前山東蒲台  
 縣知縣江張毅著不必坐補原缺卓異貴州普安直隸廳同知李大椿著准其卓異加一級仍註冊回任候陞捐復前江  
 蘇銅山縣知縣陶在銘著准其捐復原官照例用擬補吏部筆帖式清樸著准其補授奏留吏部學習筆帖式錫年著准  
 其留部欽此 諭旨本日引見之明保福建補用道徐紹楨廣東補用道李準四川補用道張鐸著於十四十五十六日  
 挨次預備召見欽此 四月初六日

上諭孫家鼎奏假期屆滿病 未痊懇請開缺一摺孫家鼎當差多年諳練老成朝廷正資倚畀著再賞假一箇月安心  
 調理一俟假滿即行銷假欽此 初十日

上諭商部奏遵旨會辦路礦款項大概情形開覽一摺蘆漢鐵路關係緊要著商部袁世凱督飭盛宣懷認真整頓

諭旨

二十六

六月

日 妥定章程剔除弊竇力祛浮濫嗣後出入款項事宜均著責成商部嚴切稽查務求核實以重路政而裕國源欽此 十二

旨翰林院侍講學士著廷清補授欽此 上諭前任兩廣總督譚鍾麟老成練達學問優長由翰林改官御史簡放外任游陟疆圉服官四十餘年所在整飭吏治勤恤民依於地方要政尤能力持大體前因患病奏請開缺回籍茲聞溘逝軫惜殊深譚鍾麟著加恩予諡照總督例賜卹任內一切處分悉予開復應得卹典該衙門查例具奏伊子安徵試用道譚寶箴著俟服滿後以道員仍留原省儘先補用伊孫譚輔宸著賞給員外郎用示篤念盡臣至意欽此 上諭廣西左江鎮總兵員缺著黃忠立補授欽此 上諭岑春煊奏特參文武不職各員一摺廣東補用知府黎兆榕利令智昏當差弊混東莞縣知縣李滋然內政外交均多貽誤清遠縣知縣李光襄貌似有才心術巧詐合浦縣知縣鄒蘭生辦事乖方操守難信候補知縣鄭憲典昏庸嗜利物議沸騰張用賓辦事糊塗玩視興學開缺另補知縣劉盛芳識闇才庸鑽營取巧試用通判歐陽衡聲名平常辦事輕率降補府經歷縣丞張經年貪鄙恣肆不知檢束候補縣丞黃悅華舞弊營私侵漁公款清遠縣迴岐司巡檢華承榮藉名清鄉勒詐有據試用巡檢何劫英怠於奉公疏脫要犯廣西宣化縣知縣李景驥信任劣紳怠理民事開缺賓州知州曾紀壽行同市儈惟利是圖上林縣知縣鄒銘鳳藉案勒罰縱子營私柳州府通判賈春澤罔知廉恥賭場敗類候補知縣騰代選辦理清鄉按名勒詐候補知縣林鶴年聲名甚劣行為可鄙廣東督標候補都司黃如山狡滑陰險貪婪有據管駕北江西海巡船補用都司雍為桂行為謬妄嗜好頗深管帶欽州團營補用守備梁善新取巧長事庸劣無能水師中營提標補用守備張超元得規庇賭巧於該卸水師提標補用守備林瑩縱賭抗捕行為荒謬統帶東江水師巡船補用守備宋定臣精力衰頹營務日壞儘先千總黃元洲遇事索擾聲名甚劣督標中

營右哨千總何陞高巧於鑽營卑鄙無恥香山協左營右哨千總黃兆麟藉案詐贓膽大妄為廣西儘先補用守備羅秋華罔知大體惟利是視著一併革職拔去翎枝曾祀壽買春澤黃如山雍為桂梁善新張超元林瑩黃元兩何陞高黃兆麟並著永不敘用不准投効軍營騰代選華承榮情節尤重並著永不敘用發往新疆充當苦差廣西天河縣知縣王錫侯辦事迂執不洽士論著開缺以府經歷歸部銓選餘著照所議辦理該部知道欽此 十三日

上諭本日召見之三品銜福建補用道徐紹楨著以道員發往江蘇補用仍交軍機處存記欽此 十四日

上諭本日召見之廣東補用道李準著以總兵記名簡放署理水師提督欽此 十五日

上諭本日召見之四川補用道張鐸著留原省以道員即補仍交軍機處存記欽此 十六日

上諭江蘇揚州府知府員缺著榮普補授欽此 十七日

旨分發直隸道張文濬江蘇道虞和德何漱章李鴻猷陝西道徐增浙江道陳翼棟湖南道惲毓珂廣西道段藩江蘇知府楊毓嵩山東知府熙臣浙江知府劉慶齡山西同知孫卿裕直隸直隸州知州程文浚河南直隸州知州梁旭培直隸知州張劭仲山東知州梁乘厚四川知州黃秉衡浙江鹽運副羅永祺吉林通判李樹恩江蘇通判張兆桂河南通判趙之基王承三浙江通判陳鴻銓福建通判萬選青山東直隸州州同魏應驥直隸知縣劉宗秦傅維屏周翼雲江西知縣桂森安徽知縣李文斛山東知縣吳瑱董堪廣西知縣馮銜四川知縣謝汝錕直隸知縣孫家瑜江蘇知縣胡雲程趙家璧魏慶熙安徽知縣熊恩霖山東知縣福臻白璞臣河南知縣王潤廷郭寶清劉大升謝璩羅鑑陝西知縣曾光祥謹祖璣浙江知縣王慶芝李澤臣王勛閣汪志方李宗義江西知縣王念祖湖北知縣周維翰湖南知縣董勛四川知縣趙芝年蔣守恕廣東知縣宋席珍浙江鹽大使蘇錫圭蕭昌基俱照例發往山西道監察御史員缺著張學華補授擬補吏部

諭旨

二十七

乙巳

諭旨

二十八

六月

驗封司員外郎關家驥內閣中書戴君義劉慶篤謝銓甯夏將軍衙門筆帖式崇文英魁西安將軍衙門筆帖式蘇勒芳  
 阿山西太原城守尉衙門筆帖式斌兆俱准其補授卓異湖南寶慶府知府前靖州直隸州知州潘清著准其於直隸州  
 知州任內卓異加一級分發江蘇道卓異前江西南昌縣知縣鄭恭著照例發往准其於知縣任內卓異加一級升補四  
 川合州知州卓異梓潼縣知縣桂梁材著准其升補於知縣任內卓異加一級升補雲南北直隸廳同知黃毓崧著准  
 其升補盛京禮部本處員外郎著哈達補授擬補永陵總管衙門筆帖式依尙阿著准其補授奏留吏部學習主事梁志  
 文著准其留部欽此 十八日

上諭江西按察使陳慶滋著開缺另候簡用四川北鎮總兵祁發祥著開缺奉天驛巡道王頤勳廣西左江道嚴震浙  
 江溫州府知府王琛河南河南府知府端謹廣東雷州府知府陳繩武廣西梧州府知府馮應龍廣西南甯府知府潘江  
 均著開缺送部引見欽此 二十日

上諭江西按察使著余肇康調補山東按察使著連甲補授欽此 上諭廣西左江道員缺著龍濟光補授欽此 上諭  
 廣西南甯府知府員缺著王人文補授欽此 上諭四川北鎮總兵員缺著馬進祥補授欽此 上諭奉天驛巡道員  
 缺著增韞補授欽此 上諭山西翼甯道員缺著丁寶銓補授欽此 二十一日

上諭商部奏請整頓商務一摺據稱路礦農工等項均為近今要政各省往往視為具文至奸商倒欠之案經該部行查  
 各件地方官遲延不覆華商回籍仍復任意需索等語現當振興商務亟宜加以整頓著各該督撫等嚴飭地方官遇有  
 奸商倒欠認案尅期訊結各項商政一律實力興辦出洋華商回籍凜遵迭次諭旨切實保護不准刁難需索如有前項  
 等弊著該部照例參處以挽頹風而肅商政欽此 二十二日

上諭廣西鹽法道員缺著王芝祥補授欽此 二十四日

上諭長蘆鹽運使員缺著陸嘉穀補授欽此 二十六日

上諭崇禮奏假期屆滿病仍未痊懇請開缺一摺崇禮著再賞假一個月安心調理毋庸開缺欽此 二十七日

上諭陳夔龍奏考查辦理學堂各州縣分別舉劾一摺河南永城縣知縣周雲舞陽縣知縣李文烈均著傳旨嘉獎前署

延津縣知縣韓厚瀛前署鎮平縣知縣郎益原在任逾年於學堂要務延不舉辦實屬因循著以府經歷縣丞降補以示

懲儆餘著照所議辦理該部知道欽此 二十八日

上諭丁振鐸奏甄別庸劣不職各員一摺雲南開缺另補知州署麗江縣知縣張家璧年力衰邁丁役弄權著勒令休致

劍州知州饒侍弼性情暴躁人地不宜著開缺留省查看署修遠同知試用鹽提舉彭國楨氣質粗疏諸欠妥協著以府

經歷縣丞降補祿豐縣知縣尹調元乖僻自是心術難知大挑知縣黃嘉祐言行不符操守難信試用知縣周海清性迂

識闇易受人愚惟該三員文理尚優著以教職歸部銓選請補順甯縣知縣石膏井大使魏正鴻阿陋井大使王環章忿

爭相訾不守官常著一併開缺勒令回籍補用鹽大使駱樹蒸不修行檢試用鹽大使蒙泉舉止輕佻試用府經歷張學

海素不安分補用巡檢洪燾不堪造就試用典史程繼桐頹惰自甘均著勒令回籍統帶達字副右營補用參將周維屏

營伍廢弛補用都司岳錫貴恣意荒嬉試用布經歷方炳性嗜樗蒲署昭通府經歷布庫大使盧廷琛荒謬任性浪穹縣

典史李輝擅受索費署陸涼州訓導李朝相查係認棍署文山縣試用典史馮均昏庸躁妄補用縣丞范天謨侵公利已

試用州吏目鄒今烈遇事欺蒙均著即行革職餘著照所議辦理該部知道欽此 上諭林紹年奏舉劾屬員一摺貴州

署仁懷同知涂步衢署獨山州知州張鎬龍里縣知縣陳价署興義縣知縣馬楨均著傳旨嘉獎署大定府知府史懋書

諭旨

二十九

乙巳

諭旨

三十

六月

聲名素劣怠玩異常候補直隸州知州余鵬才具平庸操守難信貴定縣知縣王會同玩視重案謬誤離奇平越州訓導康煦匪夷不報見利忘親施乘縣教諭祝先施婪索不堪士民怨恨訓導鄧鼎光狼狽爲奸不堪司鐸均著即行革職與義縣知縣劉增泰嗜好過多年力衰弱試用知州口開秦約束不嚴頗滋民怨惟文理尙優均著以教職選用候補班前知縣任景震才欠開展兩耳重聽著原品休致以肅官方餘著照所議辦理該部知道欽此 二十九日

上諭錫良奏特參玩視賑務各員請分別懲處一摺四川南充縣知縣葉桂年道殣相望漠不關心著即行革職署營山縣知縣廖鳳章邕有流亡紛滋怨讟惟文理尙優著以教職歸部銓選大竹縣知縣曹鍾彝衰病侵尋辦理顛預著勒令休致雲陽縣知縣周吉雲奉發賑銀辦法草率著開缺另補試用知縣趙光儼隨聲附和迹近欺朦著以府經歷縣丞降補餘著照所議辦理該部知道欽此 三十日